

1599.

Visitator, qui Domos hujus Reformati Congregationis visitet a Nuncio Apostolico eligendus.

possint, ad Priores Conventus regulæ modificatæ reverti liceat, & si Reformati sibi minus expedire eorum societatem existimaverint, missos facere valeant; post annum vero elapsum, (quod ad experimentum periculationemque conceditur) sine nova professione, nulli Fratrum Reformatorum hujusmodi liceat ad alia, præterquam Carthusianam, neque etiam Sanctissimæ Trinitatis modificatæ Regulæ Ordinem absque apostasiæ nota transire.

§.6. Ut autem in hujusmodi Monasteriis ii tantummodo admittantur, qui ad onera supradictæ primitivæ Regulæ supportanda habiles, & idonei futuri sint, Dilecto filio nostro & Apostolice Sedis in eisdem Hispaniarum Regnis Nuncio, nunc & pro tempore existenti per presentes committimus & mandamus, quatenus aliquem Religiosorum ex Fratribus Ordinis Discalceatorum Beate Mariæ de Monte Carmelo, aut Discalceatorum Sancti Francisci, pietate, prudentia, doctrina & experientia, ac in primis Religionis zelo præstantem, quem ad hoc munus magis aptum, & idoneum judicaverit, in Visitatorem præfatorum Fratrum Reformatorum Discalceatorum Ordinis Sanctissimæ Trinitatis eligat, qui Monasteria prædictorum Fratrum Reformatorum personaliter visitare, & in singulorum Fratrum prædictorum, qui hujusmodi primitivæ regulæ observantiam amplexi sunt, vitam, mores, & qualitates diligenter inquirat; ac eorum quos vere æstioris vitæ zelo ductos, ad hanc primitivæ regulæ normam transire judicaverit, professionem per eos, (ut supra dictum est) emittendam recipere curet; cæteros vero, quos minus idoneos, & aptos esse compererit, ut habitum Fratrum Reformatorum dimittant, & ex eorum domibus exeant, & ad modificatæ regulæ prædictæ domus revertantur, auctoritate nostra etiam sub excommunicationis, aliisque censuris, & pœnis ecclesiasticis cogat, & compellat.

Eidem Nuncio facultas conceditur Constituciones formandi.

§.7. Præterea idem Nuncius cum consilio Patris Visitatoris, ac aliorum piorum, & eruditorum virorum dictorum Ordinis Discalceatorum Carmelitarum, aut Sancti Francisci, & etiam ex ipsismet Reformatis Sanctissimæ Trinitatis, statuta, & constitutiones pro felici dictæ Provinciæ Reformatorum, ejusque domorum, & Monasteriorum gubernio, primitivæ regulæ prædictæ, ac sacris Canonibus, & Concilii Tridentini decretis non adversantes, auctoritate nostra faciat, & observari mandet.

Ministros, & Vicarios eligendi.

§.8. Ministros insuper, domorum Vicarios, & Magistros Novitiorum, tam ex prædictis Reformatis, si alioquin idonei fuerint, quam etiam in supplementum, ex dictis Carmelitis, aut Sancti Francisci Discalceatis, prout felici hujus novæ Provinciæ progressui in Domino magis expedire judicaverit, eadem auctoritate nostra eligat.

Novitios recipendi.

§.9. Dantes & auctores eidem Nuncio, & ab eo deputando Visitatori prædi-

cto, aut alii, vel aliis, quos idem Nuncius ad hoc semel, aut iterum, ut præmittitur, duxerit deputandos respectivè, tam præmissa faciendi, quam etiam domos, seu Monasteria ejusdem primitivæ regulæ erigendi, ac Ministris, seu aliis eorum Superioribus, ut eos qui relicto sæculo ad prædictam Religionem confugere divina inspirante gratia statuerint, & alios qui ex prædicto Ordine modificatæ Regulæ Sanctissimæ Trinitatis, aut ex aliis, laxioris tamen regulæ, Ordinibus, ad præfatum Reformatum Ordinem transire voluerint, servatis servandis admittere possint concedendi; dummodo quo ad eos, qui ex aliis Ordinibus ad hunc transitum facere voluerint, major pars vocalium Domus, in qua recipiendi erunt, vota in illum consentiant, & Visitatoris prædicti licentia concedat, & nihilominus integrum Novitiatus annum, prout alii de novo recipiendi, antequam professionem emittant, persiciant.

Capitulo p. r. f. idendi

§.10. Postquam autem benedicente Domino prædictorum Fratrum Reformatorum Ordinis Sanctissimæ Trinitatis numerus creverit, itaut prædictorum externorum Religiosorum auxilio non indigerint, & octo saltem Domos, seu Monasteria habuerint, in quorum singulis duodecim saltem Fratres Reformati hujusmodi existant, prædictus Nuncius eos ad Capitulum celebrandum convocari faciat, & in dicto Capitulo ipse præsideat, & tam Visitator, quam Ministri, & eorum Procuratores canonice electi, vocem, & locum habeant, ac Ministrum Provinciale, cæterosque Ministros Domorum ex eisdem Fratribus Reformatis, juxta præsentium tenorem, & regularia ejus Ordinis instituta eligat.

Ministri Provinciales que sit auctoritas.

§.11. Ipse vero Minister Provincialis primo electus, auctoritate nostra prædicta, ea vice dumtaxat ab ipso Nuncio confirmetur, & tam ipse, quam ejus successores eandem Provinciam Fratrum Reformatorum (salva semper Ministri Generalis tam in ipsam Provinciam, quam in eundemmet Ministrum Provinciale pro tempore eligendum, ut supra dictum est, superioritate) visitandi, regendi, & gubernandi plenam, & omnimodam habeant potestatem. Cæteri autem Ministri Provinciales pro tempore in Capitulis Provincialibus, que de triennio in triennium tam pro statutis faciendis, moderandis, aut ea causa abrogandis, quam electionibus Superiorum, & aliis ad bonum regimen ejusdem Provinciæ pertinentibus, faciendis, & ordinandis, celebrari debeant, eligendi, a Ministro Generali confirmationem quamprimum petere, ac obtinere curabunt, statim tamen, ac electi fuerint, præfatum auctoritatem habeant, & exercere possint.

Procurator Generalis eligendus.

§.12. Concedimus quoque eidem Provinciæ, ut cum crescente numero Domorum, & Fratrum, prout supra dictum est, Provinciale elegerint, Procuratorem generalem apud Sedem Apostolicam pro ejusdem Provinciæ negotiis tractandis deputare, & perpetuo retinere valeant.

Præ-

1599.

1599.

1599. Privilegia Ordinis hujus Congregat. communicatur.

Reformatos in præmissis ab aliis Fratribus non molestandi.

Clausula.

Executores hujus Constit. deputat.

1599.

§.13. Præterea omnibus, & singulis dictæ Provinciæ personis, nunc, & pro tempore existentibus, quod omnibus, & singulis privilegiis, gratiis, & indulgentiis, exemptionibus, & immunitatibus, prærogativis, favoribus, & indultis tam spiritualibus, quam temporalibus, quibus fratres dicti Ordinis de jure, vel consuetudine, aut alias quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum, decretis sacri Concilii Tridentini, Constitutionibus Apostolicis, ac primitivæ regulæ prædictis non contrariis, uti, potiri, & gaudere libere, & licite valeant indulgemus.

§.14. Inhibentes Ministro Generali Ordinis Sanctissimæ Trinitatis, Commissario generali, Ministris Provincialibus, & Localibus, & aliis quibuscumque præfate Regulæ modificatæ, ne per se, aut alios, prædictos Reformatos 'ejusdem' Ordinis, aut etiam Visitatores prædictos, aut super præmissis quoquo modo molestare, seu inquietare audeant, vel præsumant, etiam si nondum professionem prædictam Regulæ primitivæ emisserint: quod si secus fecerint, eos, & eorum singulos excommunicationis sententia, ipso facto incurrenda innodamus. Dicti vero Reformati nullo modo parere, aut deferre teneantur; salva tamen in reliquis obedientia dicti Ministri generalis, cui eos perpetuo subiectos esse, & subjacere volumus, ut dictum est.

§.15. Decernentes præfentes literas nullo umquam tempore de subreptionis, vel obreptionis vitio, aut intentionis nostræ defectu, etiam ex eo, quod omnes interesse habentes forsitan vocati non fuerint, notari, argui, seu impugnari, aut sub quibusvis revocationibus, suspensionibus, limitationibus, aut aliis contrariis dispositionibus etiam ab eadem Sede emanatis, & in posterum emanandis comprehendendi posse, sed illas semper validas, & efficaces existere, suosque plenarios, & integros effectus sortiri debere; sicque per quoscumque Judices, & Commissarios, quavis auctoritate fungentes, sublata eis, & eorum cuilibet, quavis aliter judicandi, & interpretandi facultate, & auctoritate, ubique judicari, & definiti debere; necnon irritum, & inane, si secus super his a quoquam, quavis auctoritate, scienter, vel ignoranter contigerit attentari.

§.16. Quocirca dilectis filiis nostro, & Apostolice Sedis in Regnis Hispaniarum Nuncio, nunc, & pro tempore existenti, & Causarum Curie Camera Apostolice Generali Auditori, nec non Generali Carmelitarum Discalceatorum, nunc & pro tempore existenti per presentes mandamus, quatenus ipsi, vel duo, aut unus eorum per se, vel alium, seu alios, præfentes literas, & in eis contenta quæcumque, ubi, & quando opus fuerit, aut quoties pro parte Fratrum Reformatorum prædictorum desuper fuerint requisiti, solemniter publicantes, illisque in præmissis efficacis de-

fensionis præsidio assistentes; faciant eos auctoritate nostra præmissis omnibus, & singulis, juxta præsentium continentiam, & tenorem pacifice frui, & gaudere, non permittentes eos desuper per Ministrum Generalem, aliosque prædictos quomodolibet indebite molestari. Contradictores quolibet, & rebelles, ac præmissis non parentes per sententias, censuras, & pœnas Ecclesiasticas, aliaque opportuna juris, & facti remedia appellatione postposita compescendo. Necnon legitimis super his habendis servatis processibus, illos sententias, censuras, & pœnas prædictas incurrisse declarando, illasque etiam iteratis vicibus aggravando, invocato etiam ad hoc, si opus fuerit, auxilio brachii secularis.

Derogatio contrariorum

§.15. Non obstantibus præmissis, ac aliis Apostolicis, necnon in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, ac etiam juramento, confirmatione Apostolica, & quavis firmitate alia roboratis statutis, & consuetudinibus, privilegiis quoque, indultis, & literis Apostolicis, præfatis, vel quibusvis aliis personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, etiam Motu proprio, & alias quomodolibet concessis, approbatis, & innovatis. Quibus omnibus, etiam pro illorum sufficienti derogatione, de illis, eorumque totis tenoribus, specialis, specifica, expressa, & individua, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, eorum tenores præfentibus pro expressis habentes, illis alias in suo robore permanens, hac vice dumtaxat specialiter, & expresse derogamus, cæterisque contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam de indulto hujusmodi mentionem.

Transumptio danda fides.

§.16. Cæterum, quia difficile foret, eandem præsentium literarum notitiam ad quascumque personas pervenire, & ubique illas præsentare, eadem auctoritate volumus, & decernimus, quatenus transumptis earundem præsentium literarum manu alicujus Notarii publici subscriptis, & sigillo alicujus personæ in dignitate Ecclesiastica constitutæ sigillatis, eadem fides ubique tam in iudicio, quam extra illud adhibeatur, quæ præfentibus adhiberetur, si forent exhibitæ, vel ostensæ.

Dat. die 20. Augusti 1599. An. VIII.

Datum Romæ apud S. Petrum, sub Annulo Piscatoris die 20. Augusti 1599. Pontificatus nostri Anno VIII.

Phi-

Ex Regest. in Secret. Breu.

Philippus III. Hispaniarum Rex solvitur a quocumque Juramento, ac Lege Pontificia, ad hoc ut una cum Ducatu Mediolanensi possit Siciliae Regnum obtinere.

Charissimo in Christo Filio Nostro Philippo Hispaniarum Regi Catholico.

CLEMENS P A P A VIII.

Charissimo in Christo Fili Noster salutem & Apostolicam benedictionem.

Exordium a laudibus Philippi Regis de sumptum.

Præclara Prædecessorum tuorum in hanc Sanctam Sedem merita, sinceraque fides, & eximia pietas, ac fervens devotio tua, quibus in Nostro, & dictæ Sedis conspectu clarere dignosceris, merito nos inducunt, ut te specialibus favoribus, & gratiis prosequamur.

In investituris Regi utriusque Siciliae Aragonum Regibus concessis, ne ipsi in Imperatores Romanorum, aut Dominos Lombardie eligerentur, vel huiusmodi electionibus assentirent.

§. 1. Plane, cum sicut Deo placuit, ab humanis exempto clar: mem: Philippo Hispaniarum Rege Catholico Patre tuo, Jure successione una cum aliis Regnis, Provinciis, & Ditionibus Universis Regnorum Siciliae, & Hierusalem cum tota Terra citra Pharam, ad Te uti ejus unicum filium, & Heredem legitime pervenerit: nihilominus quia alias fel: record: Julius Papa II. Prædecessor Noster in concessione Regni Siciliae hujusmodi, & Hierusalem cum tota Terra, quæ est citra Pharam usque ad Confinia Terrarum S. R. E., excepta Civitate Beneventana, & ejus Territorio, & pertinentiis, per ipsum Julium Prædecessorem cla: mem: Ferdinando Aragoniæ, & utriusque Siciliae Regi Abavo tuo, pro se, & suis in Regno Aragoniæ Successoribus, tam Masculis, quam Fæminis ex recta linea descendentiis natis, & nascituris in Feudum perpetuum facta de Ven. Fratrum Nostrorum S. R. E. Cardinalium Consilio, & forsân ante eum diversi alii Romani Pontifices Prædecessores Nostri tunc sui voluerunt Jurejurando firmari, quod tam ipse Ferdinandus Rex, quam ejus in dicto Regno Siciliae, & Hierusalem cum tota Terra citra Pharam Heredes, & Successores nunquam procurarent eligi, vel nominari in Regem Romanorum, aut Theutoniæ, vel Dominum Lombardiæ, seu Tusciæ, aut majoris partis earum, nec electioni, vel nominationi assensum præstarent, neque se intromitterent ullo modo in regimine ipsius Regni Romani, seu Theutoniæ, vel Domini Lombardiæ, aut Tusciæ, seu majoris partis earum ad quodcumque eorum ipsi nominati fuissent, vel electi, & si post talem electionem de Regno Romano, seu Theutoniæ, aut Dominio Lombardiæ, vel Tusciæ, seu majoris partis earum manifeste se intromitterent sine expresso Romani Pontificis mandato, eo ipso a jure Regni Siciliae citra Pharam hujusmodi caderent ex toto, prout in ipsius Julii Prædecessoris sub dat. Quinto nonas Julii Pontificatus sui Anno septimo, nec non forsân aliorum Romanorum Pontificum Prædecesso-

Sub pena excommunicationis a Regno Siciliae

rum Nostrorum confectis literis, quarum tenores, acsi de verbo ad verbum inferrentur, præsentibus haberi volumus pro expressis, dicitur plenius contineri, a nonnullis hæsitari possit; An Ducatus Mediolani, cujus Tu etiam Dux existis, majorem partem Domini Lombardiæ hujusmodi comprehendat, & Tu Regni Siciliae, & Hierusalem cum tota Terra citra Pharam hujusmodi cum d. Ducatu obtinere possis.

§. 2. Nos etsi cognoscimus prohibitiones hujusmodi non sine magna, & rationabili causa a Julio, & forsân aliis Prædecessoribus prædictis emanasse; Nihilominus sperantes, & pro certo tenentes, quod Tu in tuæ fidei sinceritate, & erga Nos, & Romanam Ecclesiam prædictam obedientia eo firmior, & constantior eris, quo magis nos, & illam erga Te cognoveris munificos, & liberales, & quanto potentior eris, tanto magis eidem Ecclesie favere, eamque contra improbos perverforum conatus defendere, & adjuvare procurabis: Te a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existis, ad effectum præsentium dumtaxat consequendum, harum serie absolventes, & absolutum fore censentes, Motu proprio, non ad tuam, vel alterius pro Te nobis super hoc oblata petitionis instantiam, sed de mera liberalitate, & ex certa scientia nostris, quatenus dictus Ducatus majorem partem Lombardiæ hujusmodi comprehendat, tuque relaxatione juramenti, & dispensatione ad obtinendum Regnum Siciliae citra Pharam, & Ducatum hujusmodi indigeas, seu alias relaxatione, & dispensatione prædictis opus sit, Te a quibusvis reatu periurii, ac sententiis, censuris, & pœnis, si quas forsân Regnum Siciliae citra Pharam hujusmodi ante, vel post acceptationem dicti Ducatus acceptando, aut Te illius regimini immiscendo, vel illius Regem inscribendo, aut denominando iam forsân incurristi, aut incurere potes, auctoritate Apostolica tenore præsentium absolvimus, & liberamus, absolutumque, & liberatum esse decernimus: ac dummodo aliaque in literis concessione Regni Siciliae citra Pharam hujusmodi in Feudum, nec non Capitulis inter præmem: Leonem Papam X. etiam Prædecessorem nostrum, & inclita memoria Carolum Imperatorem, tunc Regem Romanorum sub die 3. Mensis Junii Anni 1521. initis contenta ad Te, & alios ipsius Caroli Imperatoris successores pertinentia, & quorum remissio per prædictam Sedem facta non apparet, quorum omnium tenores, acsi de verbo ad verbum inferrentur, præsentibus haberi volumus pro expressis, quoad vixeris, inviolabiliter observes, quodcumque Juramentum per Te, aut alium nomine tuo super non obtinendo Dominio Lombardiæ hujusmodi, aut illius majori parte cum ipso Regno Siciliae citra Pharam hætenus forsân præstitum, & in futurum per Te, vel Procuratorem, tuum

Clemens cum Philippo III. dispensat, ut una cum Sicilia possit etiam Ducatum Mediolani obtinere.

tuum præstandum ad hoc dumtaxat, ut Ducatum, & Regnum Siciliae citra Pharam hujusmodi absque alicujus censura, & pœnæ incurfu, vel labe, seu reatu periurii obtinere, Teque Regem Siciliae citra Pharam, & Ducem Mediolani nominare, & inscribere, ac ab aliis denominari, & inscribi auctoritate, & tenore prædictis relaxamus: Teque eo non teneri, nec adstringi, & etiam si contingat, Te in Investitura per Nos Tibi de Regno Siciliae citra Pharam hujusmodi concedenda Juramentum prædictum per Te, aut Procuratorem tuum præstari, & per Te illi contraveniri, periurii reatum minime incurrisse decernimus, Tibique, quod Ducatum, & Regnum Siciliae citra Pharam, ut præfertur teneris, & possidere possis, eisdem auctoritate, & tenore de speciali gratia concedimus, & indulgemus, ac personam tuam, si expediat, & opus sit, Tuque indigeas, ad prædicta omnia habilitamus.

Derogatio contrariis.

§. 3. Non obstantibus præmissis, ac Constitutionibus, & Ordinationibus Apostolicis, nec non omnibus illis, quæ Julius, & Leo, ac alii Romani Pontifices Prædecessores prædicti in literis, & Capitulis prædictis voluerunt non obstat, ceterisque contrariis quibuscumque.

Clausula præservativa.

§. 4. Volumus autem, & declaramus, quod per hujusmodi relaxationem, Decretum, concessionem, Indultum, & habilitationem nullum præjudicium Nostri, & dictæ Sedis, ac S. R. E. Juribus in quibuscumque Civitatibus, Terris, & locis ipsius Lombardiæ inferatur, sed jura ipsa in suo robore salva, & illæsa remaneant: quodque, si quod abât, Te a Nostri, & dictæ Ecclesiæ Romanæ, ratione dicti Regni Siciliae citra Pharam, fidelitate retraxeris, præsentis literæ sint nullius roboris, vel momenti, dictumque Regnum Siciliae citra Pharam ad Nos, & dictam Romanam Ecclesiam libere revertatur.

Dat. die 6. Sept. m. 1599. An. VIII.

Datum Romæ apud S. Petrum sub Anulo Piscatoris die 6. Septemb. 1599. Pont. Nostri Anno octavo.

CCV.

Ex Regest. in Secret. Breu.

Philippo Tertio Hispaniarum Regi conceditur Investitura Regni Siciliae cum tota Terra, quæ est citra Pharam usque ad Confinia Domini Sedis, & Camera Apostolica.

CLEMENS EPISCOPUS

SERVUS SERVORUM DEI

Ad perpetuam rei memoriam.

Procurator.

Illius, qui in Cœlestibus habitat, & immobili permanens providentia, mirabiliter suo ordine cuncta moveri, quique statuit, & decrevit, ut homo homini præferatur, humanum genus potestatum regimini submittere vices licet immeriti gerentes in Terris, Catholicos Reges, & Principes,

quorum studia, & conatus ad divini nominis gloriam, & Catholicae fidei exaltationem, ac universæ Reipublicæ Christianæ amplitudinem tendunt, quorumque erga Romanam Ecclesiam eximia fidei constantia, & sincerae devotionis affectus in nostro, & Apostolicæ Sedis conspectu gratiam promerentur, in Regnis, & Terris ad Jus, & proprietatem ipsius Ecclesiæ spectantibus in locum decedentium favorabiliter substitui-mus, ut quem ex eorum bene beateque gestis a Deo fructum sperare possunt, etiam a Nobis ejus in Terris Vicario consequantur.

§. 1. Dudum siquidem postquam fel: recor: Julius Papa II. prædecessor noster Regnum Siciliae, ac Hierusalem cum tota Terra, quæ est citra Pharam usque ad Confinia Terrarum S. R. E., Civitate nostra tunc sua Beneventana cum ejus Territorio, & pertinentiis dumtaxat excepta, ad Jus, & proprietatem ejusdem Ecclesiæ pertinens, & tunc ad ipsum Prædecessorem, & dictam Ecclesiam devolutum quovis modo, & ex quavis causa illud ad eandem Ecclesiam, devolutum esset, aut alias ejus dispositio ad prædictum Prædecessorem pertineret, cum omnibus Juribus, & pertinentiis suis clar: mem: Ferdinando Aragoniæ, utriusque Siciliae, ac Hierusalem Regi pro se, suisque in dicto Regno Aragoniæ Successoribus, & Heredibus tam masculis, quam fæminis ex eo recta linea descendentiis, certo tunc expresso modo natis, & nascituris in Feudum perpetuum pro anno censu, & sub diversis conditionibus, modis, formis, adjectionibus, promissionibus, clausulis, cautelis, voluntatibus, & ordinationibus etiam tunc expressis, sine tamen præjudicio juris ipsi Ferdinando Regi alias in eodem Regno forsân competentis, cui tunc noluit derogari, de Fratrum suorum consilio pariter, & assensu ex certa scientia, ac de Apostolicæ potestatis plenitudine concesserat, & elargitus fuerat, dictam Civitatem Beneventanam cum ejus Territorio, Districtu, & pertinentiis per ipsum Prædecessorem, seu Romanum Pontificem distinctis, seu distinguendis cum eorum incolis, prout illam sibi dudum antea prædicta Ecclesia specialiter retinuerat, & reservaverat sibi, & eidem Ecclesiæ specialiter reservando, prout in ipsius Prædecessoris desuper confectis literis, in quibus idem Prædecessor inter alia voluit, quod dictus Ferdinandus Rex, & sui in dicto Regno Siciliae citra Pharam heredes, & successores darent Prædecessori, & Ecclesiæ prædictis eorum privilegium Aurea Bulla bullatum, in quo proprio juramento faterentur, & recognoscerent expresse Regnum Siciliae, & Hierusalem, ac totam eorum Terram, quæ est citra Pharam, usque ad Confinia ejusdem Ecclesiæ, excepta Civitate Beneventana prædicta cum Territorio, Districtu, & pertinentiis suis ex sola gratia, & mera liberalitate Sedis, & Prædecessoris prædictorum sibi, suisque heredibus, & successoribus fuisse concessa, & eos recepisse, & tenere Regnum Siciliae, & Terram hujusmodi a Prædecessore, & Ec-

Julius II. Ferdinando Hispaniarum Regi ejusque Successoribus Regni Siciliae investiturâ concedit.

Leo X. eamdem investituram Carolo Regi, qui fuit etiam Imperator, eadem modo conce- dit.

clesia prædictis sub pactis, modis, & conditionibus tunc, ut præfertur, expressis, plenius continetur.

§. 2. Et deinde præ mem: Leo Papa X. etiam Prædecessor Noster dictum Regnum Sicilia citra Pharam cl. me: Carolo Romanorum Imperatori semper Augusto tunc Romanorum, & Hispaniarum Regi Catholico in Imperatorem electo in Feudum eisdem modo, & forma, quibus per prædictum Julium prædecessorem prædicto Ferdinando Regi concessum fuerat, & sub prædictis, quæ tunc per eandem Sedem remissa non appa- rent, ac certis aliis tunc expressis condi- tionibus de novo concessit, & de eo etiam ipsum Carolum Imperatorem investivit, & dictus Carolus Imperator per quondam Jo- annem Emanuelem Aurei Velleris Equitem tunc in humanis agentem, & ipsius Caroli Imperatoris apud Leonem prædecessorem, & Sedem prædictam Oratorem, & Procura- torem specialem promisit, & se, ac omnes Regnum ipsum Sicilia vigore illius conces- sionum tam per Julium, quam Leonem præ- decessores prædictos factam pro tempore obtinentes obligavit, & inviabiliter ob- servandum, & adimplendum omnia in lite- ris Julii prædecessoris hujusmodi contenta, super quibus de dispensatione, aut illorum remissione per eandem Sedem prædictam non constaret, seu apparet, & solvendum singulis annis in perpetuum Camera Apo- stolice septem mille Ducatos auri de Cam- era in festo Beati Petri ultra solitum cen- sum parafreni albi pro recognitione veri, & directi Domini ipsius Regni Sicilia, & ad Leonis prædecessoris, & Camera prædicto- rum requisitionem delinquentes in Terris eidem Ecclesie mediate, vel immediate, subjectis ad dictum Regnum, & illius Civi- tates, Terras, & loca confugientes capi, & ad Urbem, vel alium locum remitti facien- dum sub poenis in literis Julii prædecessoris hujusmodi contentis, dummodo idem Leo prædecessor, & successores sui Romani Pon- tifices, ac prædicta Camera ad ipsius Caroli Imperatoris, & Officialium suorum requi- sitionem delinquentes in Terris, & locis d. Regni, ad Terras, & loca Ecclesie confu- gientes pariter ad eos remitteret, prout in Instrumento publico desuper confecto, & in certis ipsius prædecessoris Leonis literis de verbo ad verbum inserto, etiam plenius continetur.

Julius III. di- ctam investi- turam conce- dit Philippo Secundo.

§. 3. Ac demum rec: mem: Julius Pa- pa III. etiam prædecessor noster prævia ren- nunciatione prædicti Caroli Romanorum Imperatoris semper Augusti dictum Re- gnum Sicilia, & Hierusalem cum tota Terra citra Pharam usque ad confinia Romana Ecclesie, excepta Civitate Beneventana, & ejus Territorio, & Districtu, ut supra in- clita memoria Philippo II. tunc Angliæ Regi, & Hispaniarum Principi pro se suis- que heredibus, & successoribus Aragoniæ Regibus tam masculis, quam foeminis ex eo recta linea descendentes natis, & nasci- turis, ac aliis personis in concessionibus Ju- lii, & Leonis comprehensis, & per eas vo-

catis in Feudum perpetuum pro solito an- nuo censu septem mille scut. auri de Cam- era, & unius parafreni albi solven. & sub con- ditionibus, modis, formis, adiectionibus, promissionibus, clausulis, cautelis, volun- tatis, & ordinationibus in literis Julii, & concessione Leonis contentis, quæ per eam- dem Sedem remissa non apparet, simili- ter concessit, & de eo etiam ipsum Philip- pum Regem investivit. Et dictus Philip- pus per quondam Ferdinandum Franciscum Avalos de Aquino, Marchionem Piscalæ tunc in humanis agentem, & ipsius Philip- pi Regis, apud Julium prædecessorem, & Sedem prædictam Procuratorem specialem obedientiam, homagium, & juramentum fidelitatis consuetum præstitit, prout in ip- sius etiam Julii prædecessoris literis plenius continetur. Quæ omnia idem Philippus Rex successive per Bullam suam Auream sub dat. Bruxellis Anno Domini 1555. die pri- ma Octobris manu sua subscriptam appro- bando, & acceptando confessus fuit, & re- cognovit.

§. 4. Cum autem, sicut Deo placuit, ab humanis exempto dicto Philippo II. Rege jure successionis una cum aliis Regnis, Pro- vincis, & Ditionibus universis dictum Re- gnum Sicilia, & Hierusalem cum tota Terra citra Pharam ad charissimum in Christo filium nostrum Philippum III. Hispaniarum Regem Catholicum dicti Philippi Secundi filium, & heredem legitime pervenerit: Et idem Philippus Rex volens debitam obedi- entiam, ac fidelitatis, & homagii jura- mentum in manibus nostris præstare, ac ea, ad quæ ratione ipsius Feudi tenetur adimple- re, dilectum filium Nobilem Virum Anto- nium de Cardona, & Corduba Ducem Suef- sæ, Somæ, & Varnæ, Comitum Cabræ, & Palencos, Vicecomitem de Inajar, & ipsius Philippi Regis consanguineum, & Consilia- rium, & apud Nos, & Sedem Apostolicam Oratorem, & Procuratorem, & Mandata- rium suum specialem fecerit, constituerit, & deputaverit specialiter, & expresse ad se nomine prædicti Philippi Regis, quoties opus fuerit, coram Nobis humiliter, & cum omni reverentia præsentandum, ac a Nobis In- vestituram dicti Regni humiliter petendam, eamque acceptandam, Nobis nomine ejus- dem Philippi Regis pro prædicto Regno Si- cilia, & Hierusalem cum tota Terra citra Pharam debitam obedientiam exhibendum, ac fidelitatis, & homagii juramentum ra- tione Feudi dicti Regni præstandum, quod requisitum, necessarium, & opportunum foret ex ipsius Feudi natura, & quemadmodum illud præstitum fuerat a Philippo II. prædi- cto, atque ab aliis prædecessoribus suis in eodem Regno, solitum fuerat præstari, dans, & tribuens idem Philippus Rex prædicto Antonio Duci, & Procuratori omnem po- testatem, omneque arbitrium, & auctori- tatem ea agendi, & jurandi præmissa ex causa in animam suam, quæ ipsemet Phi- lippus Rex agere, & jurare posset, si perso- naliter ea faceret, & dictus Antonius Dux, & Procurator nomine ipsius Philippi Regis

Philippus III. eandem investi- turam a Cle- mente Pa- pa per suum Oratorem ad- hoc deputatæ peti.

no.

Qui Procura- tor debitum Pontifici fide- litatis jura- mentum præ- stat.

Clemens in- vestituram cum solito annuo censu, & con- ditionibus prædictam ex- pressis conce- dit. * Sic. * Sic.

nobis, & Sedi Apostolice, ac Romana Ec- clesie prædictis in Congregatione generali Ven. Fratrum nostrorum S. R. E. Cardina- lium coram Nobis in Palatio nostro Apo- stolico in Monte Quirinali ad hoc speciali- ter convocata, & habita compluribus Ar- chiepiscopis, Episcopis, & aliis Prelatis, ibi adstantibus, obedientiam, itemque homa- gium, & juramentum fidelitatis sub forma inferius adnotata præstiterit.

§. 5. Nos considerantes ipsius Philippi Regis hereditariam regnandi consuetudi- nem, & quod sicut etiam volens * com- missos sibi Populos in pacis amantate, & justitie cultu conservare, ac nos, & Romanam Ecclesiam, ipsius Regni per præclaros, & directos Dominos * grata devotione, & fide sincera recognoscere, mandato Procuratio- nis ipsius Philippi Regis hujusmodi publice, & alta voce in eadem Congregatione perle- cto, & diligenter inspecto, ac considerato, ac habita super his cum eisdem Ven. Fratri- bus nostris S. R. E. Cardinalibus in Consilio nostro Secreto, & deinde etiam in alia simili Congregatione generali ad hoc nomi- natim habita in Palatio nostro Apostoli- co in Varicano deliberatione matura, de ip- sorum Fratrum nostrorum Consilio pariter, & assensu, & ex certa nostra scientia, & de Apostolice potestatis plenitudine: In No- mine Patris, & filii, & Spiritus Sancti obe- dientiam ab eodem Antonio Duce, & Procura- tore nomine proprio Philippi Regis No- bis, ac Sedi, ac Ecclesie prædictis, ut præ- mittitur præstitam, itemque homagium, & juramentum fidelitatis hujusmodi lato, at- que hilari animo admittimus, ac Regnum ipsum Sicilia, & Hierusalem cum tota Terra prædicta citra Pharam usque ad confinia Terrarum ejusdem Ecclesie Romana, ex- cepta prædicta Civitate Beneventana cum- ejus Territorio, Districtu, & pertinentiis per Nos, seu per Roman. Pontif. ac eorum Incolis, quam Nos, prout illam sibi dudum prædicta Ecclesia specialiter re- tinuit, & reservavit, harum serie Nobis, & eidem Ecclesie specialiter reservamus, di- cto Philippo Regi pro se, suisque heredibus, & successoribus Aragoniæ Regibus tam ma- sculis, quam foeminis ex eo recta linea de- scendentibus, natis, & nascituris, ac aliis personis in concessionibus utriusque Julii, & Leonis prædecessorum hujusmodi compre- hensis, & per eas vocatis in Feudum per- petuum pro solito annuo censu septem mille ducatorum similium, & unius parafreni albi, ut præfertur solvendo, ac sub condi- tionibus, modis, & formis, adiectionibus, clausulis, cautelis, voluntatis, & ordi- nationibus in literis utriusque Julii, & con- cessione Leonis prædecessorum hujusmodi contentis, quarum remissionem per Sedem prædictam factam fuisse non apparebit, om- ni meliori, quo possumus, modo concedimus & clarigimus: Ac Regnum ipsum prædicto Philippo Regi modo, & forma præmissis infendamus, eumque de illo per ipsius An- tonii Ducis, ac Procuratoris ad osculum pedum nostrorum admissionem investimus.

Bull. Rom. Tom. V. Par. II.

§. 6. Volentes, & intendentes ut infra annum a data præsentium computandum idem Philippus Rex privilegium suum Bulla Aurea bullatum, in quo proprio juramento fateatur, & recognoscat expresse, Regnum Sicilia, & Hierusalem, ac totam Terram eorumque, quæ est citra Pharam usque ad confinia ipsius Ecclesie Romana, excepta Ci- vitate Beneventana cum illius Territorio, di- strictu, & pertinentiis, quæ eidem Ecclesie remaneant prædicto Philippo Regi, suisque heredibus, & successoribus ex sola gratia, & mera liberalitate Sedis Apostolice, ac nostra fuisse concessa, eosque recepisse, & tenere Regnum Sicilia, & Terram hujus- modi a nobis, & dicta Romana Ecclesia sub pactis, modis, & conditionibus supradictis Nobis, seu Romano Pontifici pro tempore existentium dare, & tradere teneatur; Per præmissa autem non intendimus juri cujus- cumque in aliquo præjudicare.

§. 7. Forma vero juramenti per ipsum Antonium Ducem, & Procuratorem præ- stiti talis est: Ego Antonius de Cardona, & Corduba Dux Svefæ, Somæ, & Vaenæ, Comes Cabræ, & Palencos, Vicecomes de Inajar Serenissimi D. Philippi Dei gratia Regis Sicilia citra Pharam, & Hierusalem, ac Hispaniarum Domini mei Consiliarius, & apud S. D. N. D. Clementem Papam VIII. & Sanctam Sedem Apostolicam Orator, & Procurator ad hæc omnia specialiter consti- tutus speciali mandato Sanctitati Vestre ex- hibito, plenum homagium, ligium, & Vassallagium nomine ipsius Philippi Regis faciendum, Vobis D. N. D. Clementi Pa- pa VIII., & Ecclesie Romana pro Regno Sicilia, & Hierusalem, & tota Terra, quæ est citra Pharam usque ad confinia Terrarum ipsius Ecclesie, excepta Civitate Beneventa- na, & toto Territorio, ac omnibus Distri- ctibus, & pertinentiis secundum antiquos fines Territorii, & pertinentiarum, ac Di- strictus Civitatis ejusdem per Romanos Pon- tifices distinctos, & imposterum distinguen- dos, in Animam dicti Serenissimi D. Philippi Regis Principalis mei juro, quod idem Se- renissimus D. Philippus Rex ab hac hora in antea fidelis, & obediens erit Beato Petro, & Vobis D. Clementi Pa- pa VIII. vestrisque Successoribus Romanis Pontificibus canonice intransibus, Sanctæque Apostolice Ro- manæ Ecclesie: non erit in consilio, con- sensu, vel facto, ut vitam perdatis, seu per- dant, aut membrum, seu capiamini, vel capiantur mala captione, Consilium vero, quod sibi credituri estis per Vos, aut Nun- cio Vestros, vel per literas, ad vestrum, vel eorum damnum scienter nemini pandet, & si sciverit fieri, vel tractari, seu procurari aliquid, quod in vestrum, vel eorum dam- num cedat, illud pro posse impedit, & si hoc impedire non poterit, illud Vobis, vel eis significare curabit; Papatum Romanum, & Regalia Sancti Petri tam in Regno Sicilia prædicto, quam alibi consistentia adjutor vo- bis, & eis erit ad defendendum, & retinen- dum, ac recuperandum, & recuperata ma- nutenen. contra omnem hominem, univer- sas,

1599. Injuncta quo- que Philippo lege per aurea Bullam infra annum decla- randi se talem investituram ex mera Pontifi- cis liberalita- te obtinuisse.

Forma jurá- menti ab ita- lico Oratore præstiti.

L. I

fas, & singulas condiciones supradictas, & quascumque alias in literis fel. recor. Julii Papæ II. super ipsius Regni, & Terrarum infeudatione, sive Investitura confectis contentas, ac omnia, & singula, quæ in eis continentur, plenarie adimplebit, & inviolabiliter observabit, & nullo unquam tempore veniet contra ea, nec procurabit per se, vel alium, seu alios quoquomodo, ut eligatur, vel nominetur in Regem, vel Imperatorem Romanorum, seu Regem Teutoniæ, aut Dominum Lombardiæ, vel Tusciæ, et si electionem, vel nominationem ad Imperium, vel Regnum Romanum, seu Regnum Teutoniæ, vel Dominium Lombardiæ, & Tusciæ, aut majoris partis earumdem de eo celebrari contingeret, nullum hujusmodi electioni, seu nominationi assensum præstabit, nec intromittat se modo aliquo de eorum, vel alicujus eorum regimine, nec de Civitate Beneventana, & suis Territoriis, districtibus, & pertinentiis, seu Campania, neque de Maritima, Ducatu Spoletano, Marchia Anconitana, Patrimonio B. Petri, & Tusciæ, & Massæ Trebaria, Romandiola, Alma Urbe, in Civitatibus Perusin. Civitatibus Castell. Bononiens. Ferrariens. Avenionens. & Comitatu Venassin. seu aliis Terris quibuscumque Vestris, & Feudis ipsius Ecclesiæ ab illo constitutis, ex successione, vel legato seu donatione, aut venditione, vel alio quo vis titulo, vel contractu nihil unquam sibi acquirere, seu vendicare, vel poterit acquirere, seu quomodolibet vendicare, & nihil unquam recipiet, vel habebit, seu retinebit, vel poterit recipere, habere, vel etiam retinere in illis, nec ullam Potestariam, Capitaniam, vel Rectoriam, nullamque aliud officium recipiet, seu recipere poterit in eisdem, seu ipsorum aliquo, nec etiam occupabit, vel occupari permittet, seu faciet præmissa, vel partem aliquam eorumdem, neque illam offendet, aut molestabit, neque etiam Romanam Ecclesiam quoquo modo sub censuris, pœnisque spiritualibus, & temporalibus in conditionibus, & infeudatione prædictis contentis, quas hic haberi volo in singulis suis partibus aliis pro specificis repetitis, & expressis, Schismatico, aut Hæretico cuicumque, vel a fide devio, ab ipsa Ecclesia præciso, ejusque sequacibus, & dantibus eis auxilium, consilium, vel favorem non dabit quovis modo per se, vel alium, seu alios directe, vel indirecte, publice, vel occulte auxilium, consilium, vel favorem, nec ab aliis quantum in eo erit si impedire poterit, dari permittet, sed eos juxta posse suum, donec convertantur, persequetur, & impugnabit; sic dictum Philippum Regem Deus adjuvet, & hæc Sancta Dei Evangelia: juravi, ut supra, Ego prædictus Dux.

Clausula:

§. 8. Nulli ergo omnino hominum liceat paginam hanc nostræ admissionis, reservationis, concessionis, elargitionis, infeudationis, Investituræ, voluntatis, vel intentionis infringere, vel ei ausu temerario contraire; si quis autem hoc attentare præsumpserit, indignationem Omnipotentis

Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Marcum Anno Incarnationis Dominicæ millesimo quingentesimo nonagesimo nono, quinto Idus Septembris Pont. Nostri Anno octavo.

Dat. die 9. Septem. 1599. An. VIII.

CCVI.

Erectio Collegii Clericorum Theutonico- rum in Oppido Mofecano in Comitatu Hornensi, Leodiensis Diocesis, sub regimine PP. Societatis Jesu.

Ex Regest. in Secret. Breu.

CLEMENS EPISCOPUS

SERVUS SERVORUM DEI

Ad perpetuam rei memoriam.

Circumspecta Romani Pontificis providentia circa ea, per quæ Collegia ad Juventutis, & pietatis, & bonis moribus, ac Ecclesiasticis, aliisque salutaribus disciplinis religiosam educationem, & instructionem ubique propagari, & congruis proventibus pro personarum inibi pro tempore inducendarum sustentatione, & mantentione, onerumque illis incumbentium sublevamine, communiri valeant, libenter intendit, & in his sollicitudinis suæ partes, etiam per suppressionis Monasteriorum, & aliorum locorum regularium, in suis ædificiis, & structuris ruinam passorum, ac propriis Prælati, & Religiosis desitutorum ministerium favorabiliter interponit, prout locorum, & temporum circumstantiis debite pensatis, id in Domino conspicit salubriter expedire.

Exordium.

§. 1. Exhibita siquidem Nobis nuper pro parte Ven. Fratris Nostri Ernesti Episcopi Leodiens. petitio continebat, quod Monasterium Sanctæ Elisabethæ Ordinis S. Augustini Canonico Regularium olim in Comitatu Hornen. Leodiens. Diocesis, & ruri quatuor, vel circiter leucis cum dimidia ab Oppido Mofecano diste Diocesi. consistens, & liberalitate cujusdam Viri Nobilis extractum annis ab hinc viginti, & amplius ex incendio per Milites, seu alios homines nefarios tunc in partibus illis grassantes illato sic conflagravit, ut præter fundamenta, nulla alia supereminentium Ædificiorum remanserint vestigia; ob iniuriam autem temporum dictum Monasterium in eodem desolationis statu hucusque permansit, & ex illius Canonici unus pridem, ducta Uxore, apostata est effectus, alter in habitu sæculari degit, & familiam in dicto Oppido alit, ac ex bonis ejusdem Monasterii centum ducat. auri de Camera ad se sustentandum in singulos annos percipit.

Bellorum, temporumque injuria destructum Monasterium S. Elisabethæ Ordinis S. Augustini Canonico Regularium in Comitatu Hornensi.

§. 2. Cum autem, sicut eadem petitio subungebat, ob Bellorum calamitates in Belgio adhuc dire flagrant, perduelliumque; continuas excursions, & direptiones, prudentium judicio nulla spes affulgeat, ut dictum Monasterium de novo instaurari, ac in eo regularis disciplina juxta primævam, insti-

Episcopus Leodiens. optinuit fore, ut si Collegii aliquod ibidem institueretur.

institutionem restitui possit, quinimo evidens periculum imminet, ne cum ipso Monasterio jam diruto, & suppellectili tam sacra, quam alia distracta illius etiam bona immobilia maxima ex parte in dicto Comitatu Hornen., & Ducatu Gheldriæ, partim vero in Ditione Juliacen. sita, & ad valorem annuum octingentorum ducatorum auri similibus, vel circiter ascendenti, pacatis vero temporibus plus forsitan valitura, paulatim, ut fieri coeptum est, diripiantur, dissipentur, & pereant, ejusdem Monasterii olim Abbate, seu Superiore, qui illinc longe videlicet in Civitate Colonien. debebat tot annis, curam ejusdem Monasterii, bonorumque ejus deferente, in prædicto autem Oppido, quod itinere duorum dierum a Civitate Leodiens. distat, & Mosa Fluvio in Hollandiam tendenti adiacet, erectio unius Collegii apud Pueros ejusdem Oppidi, ac totius Provincie Campaniæ, quæ sub se prædictum, & quam plurima alia Oppida, & Castra complectitur, in Doctrina Christiana, literarumque Studiis, & scientiis erudiendos, sit maxime necessaria si Monasterium prædictum sic devastatum, quod ad præsens proprii Abbatis regimine desitutum existit, ac in eo dictus Ordo, omnisque illius regularis observantia perpetuo supprimerentur, & extinguerentur, nec non in Oppido prædicto Collegium hujusmodi erigeretur, & institueretur, illique sic erecto, & instituto, omnia, & singula dicti suppressi Monasterii bona mobilia, & immobilia, jura, obventiones, & emolumenta applicarentur, & appropriarentur, ex hoc incommodis, quæ ex desolatione ipsius Monasterii succedere possunt, ac Juventutis illarum partium in bonis moribus, & scientiis eruditioni provide consuleretur. Quare pro parte dicti Ernesti Episcopi astantis, ejusdem Monasterii, & illi forsitan annexorum fructus, redditus, & proventus octingentorum ducatorum similibus secundum communem existimationem valorem annuum non excedens, Nobis fuit humiliter supplicatum, quatenus suppressioni, extinctioni, erectioni, & aliis præmissis annuere, ac alias desuper opportune providere de benignitate Apostolica dignemur.

Clemens ibidem Collegii duodecim Clericorum Theutonico- rum erigi.

§. 3. Nos igitur, qui dudum inter alia volumus, quod petentes Beneficia Ecclesiastica aliis uniri, tenerentur exprimeretur annuum valorem secundum existimationem prædictam etiam Beneficii, cui aliud uniri peteretur, alioquin unio non valeret, & semper in unionibus commissio fieret ad partes, vocatis quorum interesset, idemque servaretur in quibusvis suppressionibus perpetuis, concessionibus, applicationibus de quibuscumque fructibus, & bonis Ecclesiasticis, prædictum Ernestum Episcopum a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum ferie absolventes, & absolutum fore censentes, nec non verum, & Bull. Rom. Tom. V. Par. II.

ultimum d. Monasterii vacationis modum, etiam si illo quavis generalis reservatio etiam in corpore juris clausa resulset, præsentibus pro expresso habentes, hujusmodi supplicationibus inclinati, Monasterium prædictum quovis modo, & ex cujuscumque persona, seu per liberam cessionem cujusvis de illius regimine, & administratione in Romana Curia, vel extra eam etiam coram Notario publico, & Testibus sponte factam, vacet, etiam si tanto tempore vacaverit, quod ejus provisio juxta Lateranen. Statuta Concilii, aut alias Canonicas sanctiones ad Sedem Apostolicam legitime devoluta sit, illaque ex quavis causa ad Sedem eandem specialiter, vel generaliter pertineat, ac super regimine, & administratione prædictis inter aliquos lis, etiam superiorum possessorio, vel quasi molestia, cujus statum etiam præsentibus haberi volumus pro expresso, pendeat indecisa, dummodo tempore date præsentium non sit eadem. Monasterio de Abbate canonice provisum, cum annexis hujusmodi, ac omnibus juribus, & pertinentiis suis, nec non in eo Ordinem prædictum, ac communem statum, & essentiam regulares, auctoritate Apostolica tenore præsentium perpetuo suppressimus, & extinguimus, ac in prædicto Oppido Mofecano, & ædibus antiquæ Scholæ jam usui, & habitationi nonnullorum scholarium, & Lectorum accomodatis, unum Collegium pro usu, & habitatione duodecim, vel plurium Collegialium Theutonico- rum Burfariorum nuncupandorum, qui suo tempore ad sacros Ordines promoveri, ac inter eos oriundi ex locis, in quibus ipsius suppressi Monasterii bona sita sunt, aliis præferri debeant, nec non unius Rectoris, ac duorum, seu plurium Lectorum, qui ex Religiosis Societatis Jesu existant, & tam dd. Collegiales, quam Pueros Oppidi, & Provincie hujusmodi, Grammaticam, Rethoricam, & alias Artes liberales, bonosque mores, ac Doctrinam Christianam publice docere teneantur, auctoritate, & tenore prædictis, etiam perpetuo sine alicujus præjudicio erigimus, & instituimus.

Ejusque regimen Patribus Soc. Jesu committit.

§. 4. Illique sic erecto, & instituto omnia, & singula dicti suppressi Monasterii, ac illi annexorum quorumcumque fructus, redditus, proventus, jura, obventiones, & emolumenta quæcumque tam mobilia, quam immobilia ubivis existentia, eisdem auctoritate, & tenore similiter perpetuo applicamus, & appropriamus, dictum Collegium, nec non ejus Collegiales, & personas pro tempore existentes, ac res, & bona quæcumque mobilia, & immobilia, tam educationem, & alimoniam, quam alia quæcumque necessaria, curæ, regimini, gubernio, & administrationi omnimodis Religiosorum dictæ Societatis inibi introducendorum, auctoritate, & tenore similibus pariter perpetuo subjicimus, & committimus; ita quod liceat Religiosis Societatis hujusmodi inibi, ut præfertur introducendis per se, vel alium, seu alios nomine dicti Collegii sic erecti, corporalem, realem, L. 1 2 lem,

Hujusmodi Collegio suppressi Monasterii bona omnia, redditusque attri- buit.

lem, & actualem possessionem bonorum, fructuum, reddituum, proventuum, jurium, obventionum, & emolumentorum praedictorum ex nunc propria auctoritate libere apprehendere, & perpetuo retinere, illaq; in Collegii, ac ejus Rectoris, Lectorum, Collegialium, & personarum hujusmodi usus, utilitatem, & necessitatem convertere, cuiusvis licentia desuper minime requisita.

§. 5. Insuper eidem Collegio, illiusque pro tempore existentibus Rectori, Collegialibus, Lectoribus, Ministris, & personis, ut omnibus, & singulis privilegiis, immunitatibus, exemptionibus, gratiis, & praehemi-nentiis in processibus, & actibus publicis, ac privatis, nec non aliis quibuscumq; occasionibus, & rebus, quibus alia Collegia similia sub gubernio Religiosorum Societatis hujusmodi degentia de jure, usu, consuetudine, aut alias quomodolibet utuntur, fruuntur, & gaudent, nec non uti, frui, potiri, & gaudere possunt, & poterunt quomodolibet in futurum, similiter uti, frui, potiri, & gaudere, ac etiam ipsi Collegiales signum, seu habitum, quo cognosci, & ab aliis personis distingui valeant, gestari.

§. 6. Praeterea Rectori, & aliis d. Societatis Religiosis in ipsum Collegium introducendis ut cum interventu d. Ernesti, ac pro tempore existentis Episcopi Leodien. pro d. Collegii illiusq; Lectorum, Collegialium, personarum, & bonorum gubernio, & directione, ac Collegialium, & aliorum puerorum praedictorum tam in fide Catholica, quam bonis moribus, & disciplinis instructione, quacumque Statuta, & ordinationes, licita, & honesta, ac Sacris Canonibus, nec non Concilii Tridentini Decretis minime contraria, sub poenis eis benevisis observanda, facere, & condere, illaque pro rerum, temporum, & personarum qualitate, immutare, cassare, alterare, ac de novo edere libere, & licite valeant: itaut postquam ita sic facta, condita, alterata, mutata, seu de novo edita, extiterint, toties ipso facto, dicta Apostolica auctoritate confirmata censeantur, eisdem auctoritate, & tenore etiam perpetuo concedimus, & indulgemus.

§. 7. Decernentes praesentes literas sub quibusvis similibus, vel dissimilibus gratiarum revocationibus, limitationibus, suspensionibus, vel aliis contrariis dispositionibus etiam per Nos, vel quoscumque Romanos Pontifices Praedecessores, & successores Nostros, etiam in crastinum assumptionis cujuslibet successorum hujusmodi ad summi Apostolatus apicem sub quibusvis verborum expressionibus, etiam Motu proprio, & ex certa scientia, ac de Apostolica potestatis plenitudine editis, & edendis nullo unquam tempore comprehendendi posse, sed semper ab illis exceptas, & quoties illa emanabunt, toties in pristinum statum, etiam sub priori data per eundem Ernestum Episcopum eligenda, restitutas, repositas, & plenarie reintegratas, ac de novo concessas esse, & fore: Sicque per quoscumque Judices Ordinarios, & Delegatos, etiam causarum Palatii Apostolici

Auditores, judicari, & definiti debere, irritum quoque, & inane si fecus super his, quoquam quavis auctoritate, scienter, vel ignoranter contigerit attentari.

§. 8. Quo circa dilectis filiis Praeposito Ecclesiae Leodien., ac Colonien. & Leodien. Officialibus per Apostolica scripta mandamus, quatenus ipsi, vel duo, aut unus eorum per se, vel alium, seu alios, eisdem praesentes, & in eis contenta quaecumque, ubi, & quando opus fuerit, ac quoties pro parte Ernesti Episcopi, ac pro tempore existentium Rectoris, & Collegialium praedictorum, seu alicujus eorum fuerint requisiti, solemniter publicantes, eisq; in praemissis efficacis defensionis praesidio assistentes, faciant auctoritate Nostra praesentes, & in eis contenta hujusmodi ab omnibus, ad quos spectat, & pro tempore spectabit, inviolabiliter observari, nec non Ernestum Episcopum, ac pro tempore existentem Rectorem, & Collegiales praedictos, eorumque singulos illis pacifice frui, & gaudere. Non permittantes ipsos, vel eorum quempiam per quoscumque desuper quomodolibet indebite molestari: contraditores quoslibet, & rebelles per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo.

§. 9. Non obstantibus priori voluntate Nostra praedicta, & sal. record. Bonifacii Papae VIII. Praedecessoris Nostri etiam illa qua cavetur expresse, ne quis extra suam Civitatem, vel Diocesim, nisi in certis exceptis casibus, & in illis ultra unam Dietaam a sine suae Diocesis ad Judicium evocetur: seu ne Judices a Sede praedicta pro tempore deputati extra Civitatem, vel Diocesim, in quibus deputati fuerint, contra quoscumque procedere, aut alii, vel alii vices suas committere praesumant, & de duabus dietis in Concilio generali edita dummodo ultra tres dietas aliquis auctoritate praesentium ad Judicium non trahatur, ac Lateranen. Concilii novissime celebrati, uniones perpetuas nisi in casibus a Jure permixtis fieri prohibentis, aliisque Constitutionibus, & ordinationibus Apostolicis, nec non Monasterii, & Ordinis praedictorum Juramento, confirmatione Apostolica, vel quavis firmitate alia roboratis Statutis, & consuetudinibus, contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

§. 10. Volumus autem, quod per suppressionem, & alia praemissa ipsius Monasterii sic suppressi Ecclesia, si qua extet, ad prophanos usus non redigatur, sed illi in divinis laudabiliter deserviat, & quatenus aliqui ex ejusdem suppressi Monasterii Canonici superstites reperiantur, ipsis, ex illius fructibus de congrua portione pro eorum victu, sustentatione, & manutentione ad eorum vitam annuatim persolvenda provideatur. Nulli

Exequutores designati.

Derogatio contrariorum

Canonicis suppressi Monasterii congrua subministranda ad eorum vitam.

Et Privilegia omnia, quibus hujusmodi Collegia, concedit.

Rectori dat facultate statuta condendi cum interventu Episcopi Leodienis.

Clausula pro hujusmodi Constitutionis firmitate.

Dat. die 9. Septem. 1599. An.VIII.

Ex Regest. in Secret. Brev.

Philippi Regis zelus pro arcendis a suis Classibus criminibus, quae haereticum sapient.

Petit Inquisitori Generali facultate concedi aliquem deputandi qui contra talia perperantes inquirat. Concedit Clemens.

§. 11. Nulli ergo omnino hominum liceat, hanc paginam nostrae absolutionis, suppressionis, extinctionis, erectionis, Institutionis, applicationis, appropriationis, subjectionis, commissionis, concessionis, Indulti, decreti, mandati, & voluntatis infringere, vel ei ausu temerario contraire: Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romae apud S. Marcum Anno Incarnationis Dominicae millesimo quingentesimo nonagesimo nono, quinto Idus Septembris Pont. Nostri Anno Octavo.

CCVII.

Inquisitori Generali in Regnis Hispaniarum conceditur facultas deputandi Inquisitorem in classibus Regis Catholici pro causis ad suum forum spectantibus.

Dilecto filio Moderno, & pro tempore existenti Haeretice, & Apostolicae pravitatis in Regnis Hispaniarum Generali Inquisitori.

CLEMENS PAPA VIII.

Dilecte fili salutem, & Apostolicam benedictionem.

§. 1. Nuper siquidem charissimus in Christo filius noster Philippus Hispaniarum Rex Catholicus exponi Nobis fecit, quod cum in diversis ejus classibus, quas ipse Philippus Rex contra Infideles pro fidei Catholicae, & Regnorum suorum defensione in dies parare, & expedire cogitur, ob maximam Militum copiam facile evenire possit, diversa crimina, quae haereticum sapient, perpetrentur, & propterea ipse Philippus Rex zelo Catholicae Religionis ductus, ac ut Christianum decet Principem, ne talia crimina impunita remaneant, summo opere cupiat, aliquem Inquisitorem, qui de haeresi, & apostasia, atque aliis ad illas spectantibus specialiter cognoscat per se, & pro tempore existentem in dictis Regnis Inquisitorem Generalem deputari.

§. 2. Quare Nobis humiliter supplicari fecit, quatenus ejus desiderio hujusmodi annuere de benignitate Apostolica dignemur.

§. 3. Nos igitur hujusmodi supplicationibus inclinati, Tibi, & pro tempore existentis in dictis Regnis Inquisitori Generali haeretice, & apostolicae pravitatis, ut quando, & quoties eundem Philippum Regem, aliquam classem parare, & seu instaurare, vel mittere, & expedire contigerit, aliquem Virum Ecclesiasticum idoneum, & sufficientem per te eligendum in Inquisitorem ad effectum praedictum deputare, ipseque sic deputatus, ut tam de haeresi, & apostasia, quam omnibus, & singulis aliis haereticum sapientibus in tota dicta Classe, cogno-

scere, & demum omnia, & singula, quae ad Inquisitoris hujusmodi officium, curam, & regimen pertinent, facere, gerere, exercere, & exequi in mari, vel in praedictis classibus tantum, & extra Terras, & Portus libere, & licite valeatis respective Apostolica auctoritate tenore praesentium plenam, & omnimodam licentiam, facultatem, potestatem, & auctoritatem ad quinquennium proximum concedimus, & impertimur.

§. 4. Decernentes omnia, & singula per praedictum pro tempore Inquisitorem deputandum facienda, gerenda, & exequenda, valida, & efficacia existere, ac totali executioni demandanda esse in omnibus, & per omnia, perinde ac si a te, vel tuo mandato facta, gesta, & ordinata fuissent, sicque per te, & alios dictorum Regnorum Inquisitores judicari, & definiti debere: irritum quoque, & inane quidquid fecus super his a quoquam quavis auctoritate scienter, vel ignoranter contigerit attentari.

§. 5. Non obstantibus quibusvis Apostolicis, ac in Provincialibus, & Synodali-bus Conciliis editis specialibus, vel generalibus Constitutionibus, & ordinationibus, ac quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus, Privilegiis quoque, Indultis, & literis Apostolicis quibusvis personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusq; & aliis decretis in genere, vel in specie, ac alias quomodolibet concessis, confirmatis, approbatis, & innovatis. Quibus omnibus, etiam si de illis, eorumque totis tenoribus specialis, specifica, & expressa mentio habenda, seu aliqua alia exquisita forma ad hoc servanda foret, illorum omnium, & singulorum tenores praesentibus pro expressis habentes, illis alias in suo robore permanfuris, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Petrum sub Annulo Piscatoris die 29. Octob. 1599. Pont. Nostri Anno octavo.

CCVIII.

Similis concessio facultatis Nuncio Apostolico apud Regem Hispaniarum deputandi aliquam personam Ecclesiasticam, quae in eisdem classibus jurisdictionem Ecclesiasticam exercent.

Dilecto filio moderno, & pro tempore existenti Nostro, & Apostolicae Sedis in Regnis Hispaniarum Nuncio.

CLEMENS PAPA VIII.

Dilecte fili salutem, & Apostolicam benedictionem.

§. 1. Exponi siquidem Nobis nuper fecit charissimus in Christo filius

Clausula.

Derogatio contrariorum

Dat. die 29. Octobr. 1599. An.VIII.

Ex Regest. in Secret. Brev.

Causa concedenda facultatis, de qua in Rubrica